

Dissertatio pathologica / proposita ab illustrissimo viro D. D. Antonio Deidier ... ; sub hac verborum serie. An una eademque res praeter naturam possit esse morbus, causa morbi & symptoma. ; Quam deo savente & auspice dei-parâ, propugnabit in augustissimo Monspeliensis Apollinis Fano. Die mensis Martii, anno 1710. ab horâ octavâ ad meridianam, Laurentius Audon ... ; pro prima Apollinari Laurea consequendâ.

Contributors

Deidier, Antoine, -1746.
Audon, Laurent, active 1710.
Ecole de médecine de Montpellier.

Publication/Creation

Monspelii : Apud Honoratum Pech, Regis & universitatis typographum,
M.DCC.X.

Persistent URL

<https://wellcomecollection.org/works/qmda4zfs>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO⁸
PATHOLOGICA
PROPOSITA
AB ILLUSTRISSIMO VIRO D. D.
ANTONIO DEIDIER

Regis Consiliario & Medico, nec-non in al-
mâ Monspeliensium Medicorum Academiâ
Chymiae Professore Regio dignissimo.

SUB HAC VERBORUM SERIE.

*An una eademque res Praeter naturam possit esse
Morbus, Causa morbi & Symptoma.*

Quam Deo favente & auspice Dei-parâ, pro-
pugnabit in Augustissimo Monspeliensis Apol-
linis Fano. Die mensis Martii, anno 1710.
ab horâ octavâ ad meridianam, LAURENTIUS
AUDON Martissensis apud Gallo-Provincia-
les, Artium, liberalium Magister & iamdu-
dum Medicinæ Studiosus.

PRO PRIMA APOLLINARI LAUREA
Consequendâ.



MONSPELII,
Apud HONORATUM PECH, Regis & Uni-
versitatis Typographum.

DISSEMINATA
ПАТОЛОГИЯ
БОЛЕЗНЕЙ
САМОДЕЯТЕЛЬНОСТИ
ЯВЛЕНИЙ ОИЛОН
SUB HAC VERSO RUM SERIE
Одна из первых в Европе работ по патологии и терапии болезней самодействия. В книге описаны различные виды самодействия, их причины, механизмы и методы лечения. Особое внимание уделяется лечению болезней, вызванных самодействием. Книга является важным научным и практическим источником для врачей и пациентов.

ЧИТАТЬ
ПРИЧИНОМ
АНОНОНСЫ
АКТИВИТИ



DISSE^TRATI^O

PATHOLOGICA

DE

Morbo, Causâ morbi, & Symptome.



UÆ congruenter humanæ naturæ fiunt in homine, hæc ad Physiologiam, primam Medicinæ theoreticæ partem, referuntur. Quæ vero contra & præter hominis naturam, scilicet morbus, causa morbi, & symptoma, spectant ad Pathologiam, quæ secunda Medicinæ theoreticæ pars est. Per morbum intellige præternaturalem humani corporis modificationem, ex quâ, vel nullo, vel alio quam par est modo perficiuntur ejus munia. Per causam morbi, quidquid morbum producit. Per symptoma, quidquid ab ipso morbo producitur, sive proximè sive remotè.

Aij

Morborum differentiæ statuuntur, vel ex ipsâ morbi essentiâ, vel ex accidentibus. Hinc illæ, aut essentiales, aut accidentales. Si essentiales morborum differentias ex partium diversitate deduxeris, vel triplicem statues cum Antiquis morbum, similarem, organicum, & communem; vel duntaxat duplicum ex Recentiorum placitis, organicum qui partes solidas seu vasa infestat, & inorganicum, qui partes tentat liquidas seu humores. Sed cum omnes corporis humani partes dissimilares prorsus sint & organicæ, afficianturque in omni morbo & partes solidæ & liquidæ, relinquunt ut petantur essentiales morborum differentiæ, non ex diversitate partium, sed ex diverso modo quod partes laeduntur. Partes autem laeduntur essentialiter vel penes temperiem, vel penes organisationem. Ergo morbus essentialis duplex, in intemperie, & in organisatione vitiata.

Vitiatur naturalis partium temperies modo dupli. Vel simpliciter, ut in Caliditate, in Frigiditate, in Humiditate, & in Siccitate. Vel composite, ut in Caliditate simul & Humiditate, in Caliditate & Siccitate, in Frigiditate & Humiditate, ac in Frigiditate & Siccitate. Intemperies igitur, vel simplex, vel composita. Calida simplex observatur in febribus, frigida in Syncope, in Catharro humida, siccata in Macie. Quatuor sunt itidem morbi genera in compositâ intemperie. In calidâ & humidâ Peripneumonia est, Phthisis in calidâ & siccâ, Ana-

farta in frigidâ & humidâ , in frigidâ verò & siccâ affectus ille qui dicitur Hypochondriacus . Nec sunt apud nos meræ qualitates caliditas , frigiditas , humiditas & siccitas , ut statuebat Galenus cum Peripateticis , sed sunt ipsæ particulae modis illis affectæ , ut sentiunt Recentiores .

Quatuor sunt ex quibus exurgit perfecta organisatio ; congrua partium conformatio , debita magnitudo , certus numerus , & apta compositio . Hiuc morbus organicus quadruplex , in conformatione , in magnitudine , numero , & compositione vitiatis . Tria verò concurrunt ad convenientem conformatiōnēm ; figura congrua , conveniens meatus aut cavitas , & requi-sita asperitas vel lævitas . Et hinc profluxit triplex morbus in conformatione . In figurâ vitiatâ Rhachitis est , in meatu dilatato Hæmorrhagia , & in angustato obstructio quævis , in asperitate Raucedo , & Lienteria in lævitate . Morbus in magnitudine duplex . In magnitudine auctâ recensentur tumores , in imminutâ Atrophia . Est quoque duplex morbus in numero , scilicet excedente , aut deficiente , qualis est numerus digitorum , vel testium ac renū si non fuerint bini . Consurgit naturalis partium compositio , cùm hæ debito modo inter se copulantur , aut connectuntur . Unde duplex oritur morbus in compositione , in situ & in connexione vitiatis . In situ cùm partes sunt e suis locis dimotæ ut in luxationibus ossium ,

in uteri aut ani prolapsu. Vitiatur verò connexio, dum quæ connecti oportuit disjunguntur, aut connectuntur quæ par erat disjungi. Priori vitio coalescunt lateraliter digiti, & palpebræ per suos margines. Vitio posteriori accidit omissis solutio continui, quæ vel completa est ut in vulnero, vel incompleta ut in dolorificâ distensione intestinorum à flatibus.

Si sagaci mente quis exploret humorum particulas, is percipiet non minùs laborare humores morbis in intemperie ac in organisatione, quām partes solidas. De morbis in intemperie, planum est. De morbis in organisatione, sic demonstratur. Et quidem in conformatione, 1º. Cūm partes aqueæ ac sulphureæ, quas oportuit ex liquiditatis motu globosam induisse figuram, præter naturam extenduntur, unde humorum congelatio, 2º. Cūm ita dilatantur aut coarctantur sulphurum interstitia, ut serum supernatet, nec misceatur. 3º. Cūm humores redduntur acriores idèque asperiores, & tunc fiunt Alkalini sales quorum superficies scabra est, vel acidiores, tuncque fiunt sales acidi quorum superficies lœvis est ac perpolita. Vitiantur quoque humores in magnitudine auctâ, ut in Plethora; & imminutâ, ut in macie. Quæris an in numero? Nonne quis ex humoribus interdum deficit, ut in cibi fastidio & inappetentiâ saliva & fermentum ventriculi? Nonne interdum novi generantur succi, ut atrabilis, & pus? Humorum verò compositionem

7

vitiari probant, extravasatio in situ, in primâ connexione visciditas, & eorum dissolutio in solutâ unitate.

Morbus ille audiebat communis apud Majores, qui simul afficiebat & partes similares & organicas, ut solutio continui. Sed jam exolevit apud Recentiores ea morbi communis acceptio; & nova inolescit, quâ morbus dicitur communis sive compositus cùm simul vitiatur corpus & penes temperiem & penes organisationem. Exempla requiris? Cùm pes aut pedis digitus frigore gelatur, is laborat simul intemperie frigidâ, & à coagulatis humoribus obstruuntur in eo meatus. In omni tumore læditur magnitudo partis, ejusque temperies, hæc enim est calidior & humidior in Phlegmine ac Erysipelite, frigidior & siccior in Scirrho, & in Oedemate frigidior ac humidior. Effectos testiculis vulgo sequitur frigidior temperies, animus eos deficit, virile robur, & virilis vox, ergo conjungitur in his cum numero deficiente intemperies. Eadem cum læsâ compositione jungitur, dum comburitur quævis pars.

Ex traditis essentialibus morborum differentiis planum est, unum eundemque morbum, si variis consideretur modis, ad varias morbi species referri posse; modò ad intemperiem, modò ad organisationem vitiatam, modò ad utramque. Peripneumonia, febris & inflammationis ergo, est morbus in intemperie calidâ & humidâ; infartus pulmonum ratione,

morbus est organicus in obstruktione meatuum;
est morbus communis, ob febrem simul &
infartum. Hinc prescribuntur ad curandam Pe-
ripneumoniam venæ sectiones, ut nimia com-
pescatur in humoribus fermentatio, ut sanguis
stuat per pulmones liberius; refrigerantia, ut
mitigetur febris; Bechica vel Sudorifica, quibus
promoveantur sputa, tollanturque ideo bron-
chiorum obstrukções; Purgantia demum, ut
serum, quo pulmones infarciantur, ulterius
diluatur, abripiatur cum transvecto sanguine,
per secessum evacuetur.

Jam de accidentalibus morborum differentiis
dispiciendum. Haec desumuntur ab accidentibus,
quæ vel morborum essentiam concomitantur,
vel causas. Prioris sunt generis, in morbus sim-
plex, ut solutio continui quæ solam partium
solitarum postulat unionem; vel propriè com-
positus, ut intemperies biliosa; vel complica-
tus, qui plures simul morbos complectitur,
expositque varias indicationes. Isque vulgo
in tria genera scinditur, in separatos, implicati-
os, & connexos seu consequentes. Separati
varii sunt & diversas simul obsident partes, ut,
si dum afficitur manus ulceret, pes vulneret la-
datur, & brachium luxatione. Impliciti, qui
quidem diversi sunt, sed eidem insunt parti,
ut cum idem oculus ulceret laborat & inflam-
matione. Connexi, qui se ita consequuntur ut
una causa sic alterius, sic in Peripneumonia
pulmonum inflammatione febrene accessit, & vel
febris

febris inflammationem. Morbus ille dicitur primus, qui primò invadit. Secundus, qui priori succedit. Si tumor successerit inflictō vulneri, vulnus erit primus morbus, tumor verò secundus erit.

Item morbus est parvus aut magnus. Hanc autem pete differentiam ex triplici capite. Ex partis dignitate, v. g. solutio levis in digito est morbus parvus, in corde ac cerebro magnus; ex propriâ morbi essentiâ, sic Valgi, Claudi, Gibbosî, Coclites morbo laborant parvo, Phthisici, Hydropici, Epileptici magnos; ex symptomatis, ita punctura tendinis est morbus magnus, sectio parvus. Morbus est benignus seu mitis, aut malignus. Mitis, ut febris Ephemera & excedens digitorum testiumque numerus. Malignus est qui sæviora infert symptomata quam morbi ratio postulare videtur; isque venenatus est, pestilens, contagiosus. Venenatus, quem venenum inducit, ut viperæ morsus & punctura scorpionis, arsenicum propinatum, immo & venenum intra corpus genitum sicut in Cholerâ morbo. Pestilens, qui grassatur ita ut eo plures jugulentur quam convalescant, sicut in Pestilentia. Et Contagiosus, qui alios inficit per effluvia virulenta ab ægro corpore exhalantia, ut Phthisis pulmonaris, ut Lues venerea. Nec tamen omnis contagiosus, malignus est, ut Scabies & Ophthalmia. Ad hæc, morbus dicitur longus aut brevis. Longus cum periculo, is vulgo

Chronicus, ut Phthisis, Cancer, Hydrops; qui citra periculum, vulgo diuturnus audit, ut Quartana febris. Brevis autem est, idque simpliciter, qui citò citra periculum sua percurrit tempora, ut febris Ephemera; Acutus verò, qui periculose, ut Syncope, ut febris ardens, ut Angina, ut Cholera morbus. Morbus quoque dicitur salutaris, ex quo firmiter exsurgit valetudo, ut prima mensium eruptio in virginibus, & febris lactea in puerperis. Letalis, quo plerumque tolluntur ægri, ut Apoplexia fortis. Periculosus, cuius exitus dubius est, ut Peripneumonia, ut febris ardens. Insuper, morbus dicitur continuus, ut quædam febres, ut tumores; vel intermittens seu periodicus, ut Epilepsia, Catalepsis, Podagra; & ex his qui recurrunt sine ordine, dicuntur Erratici. Dehinc, morbus est universalis, qui totum corpus obsidet, ut Anasarca; vel particularis, qui unicam duntaxat afficit corporis partem, ut Ascites. Postremò internus, qui partes internas lædit; externus, qui externas.

Ratione accidentium, quæ morborum causas comitantur, constituuntur aliæ morborum differentiæ. Idiopathicus nuncupatur morbus, qui parti afflictæ unâ cum causâ inexsistit, ut inflammatio hepatis à bile; sympathicus, cùm alia, quæm quæ afflicta est pars, in afflictæ consensu trahitur. Consensus autem fit aut ob viciniam, ut dum affecto ventriculo convelliatur diaphragma in singultum; aut propter con-

nexionem , ut cùm ex affecto nervo cerebrum afficitur ; aut propter generis similitudinem , ut cùm nervus nervo compatitur , oculus oculo ; aut ob societatem officii , & sic affectis renibus ureteres & vesica laborant ; aut propter situm , ut cùm Hydrocele Ascidi supervenit . Deuteropaticus verò morbus is est , qui succedit ex alio , ut phthisis quæ succedit Hæmoptisi . Sympathicus ac Deuteropaticus procedunt ab aliis morbis ; hic succedit , ille jungitur .

Morbus etiam est hæreditarius , congenitus , adventitius . Hæreditarius , qui à parentibus in prolem propagatur , ut cùm Phthisicus generat Phthisicum , Podagricus Podagricum , & Epilepticum Epilepticus . Congenitus , quocum quis in lucem editur , ut à natalibus surditas ex quâ dehinc mutus . Surditas verò quæ adolescenti supervenit , morbus est adventitius , nec mutuum facit . Præterea , morbus dicitur verus & legitimus , aut spurius ; v. g. Pleuritis , quæ fit ex ipsius pleuræ inflammatione , legitima scu vera est ; siñ dolor lateris ex inflammatione muscularum pectoris ortum ducat , Pleuritidis spuriæ sortitur nomen . Morbi dicuntur Sporadici , cùm varii & ex eâdem causâ in plures ejusdem regionis sparguntur , ut cùm ab insigni quâdam aëris mutatione Ophthalmia laborat hic , ille Pleuritide , alias Podagrâ , alias alvi profluvio ; Endemii , quasi vernaculi & genti cuidam familiares , qui ex tractu ingenio plures ejusdem regionis homines com-

muniter tentant, ut Plica Polonos, Hispanos
Strumæ, Scorbustus Septentrionales; Epidemici, qui citra gentis aut plagæ peculiaris distinctionem in vulgus sœviunt, ut febres malignæ, pestilentes, pestis ipsa, variolæ, morbilli.

Quadruplex à Practicis spectatus morbi tempus, principium, augmentum, status, & declinatio; tum & periodus, paroxysmus, accessio, exacerbatio, typus, reinissio, intervallum, recidiva; quæ satis per se nota. Crisis seu judicium definitur ab Antiquis, subita ac repentina morbi mutatio ex spontaneâ quâdam evacuatione. Ea vel est salutaris, vel mortifera, dicitur perfecta, cùm ægrum integrè liberat; imperfecta cùm imperfectè. De diebus criticis altum apud Recentiores silentium, cùm hi dies non amplius observentur in praxi. Naturam suo genio permittebant Majores, quippe nihil moventes dum concoquerentur humores pravi. Maluerunt verò Recentiores opitulari fatiscenti naturæ, & Cathartica quovis morbi tempore præscribere, cum eâ tamen cautione, ut priùs compescantur furentes humorum motus, si per ægrotantis vires & naturam morbi licuerit. Tutiūs est ac præstabiliūs mox grassatorem è sedibus, cùm vires suppetunt, exturbare, quām exspectare dum jugulet, aut sponte post deprædationem dilabatur.

Jam pauca & duntaxat necessaria de morborum causis. Hæ spectantur vel ratione Diagnosis, vel effectuum ratione. Priori respectu,

causa vel evidens est, vel abdita. Evidens, quæ per se dignoscitur; abdita & latens quæ signis indagatur. Posteriori ratione, est proxima, vel remota. Pone vulnus inflictum lapide. Ipse lapis erit causa vulneris evidens, tum & effectus ratione causa erit proxima; lapis idem erit causa remota febris, si hæc supervenerit, cùm febris causa proxima sint extravasati ac fermentescentes in parte vulneratâ humores; iidemque sunt latens ejusdem febris causa, quippe non nisi ex superveniente tumore innatescit humorum extravasatio. Rursus causæ evidentes distinguuntur in necessarias sine quibus ne quidem possumus vivere, & contingentes, quæ non nisi casu nos afficiunt. Priores petuntur ex abusu sex rerum non-naturalium, quæ sunt aër, cibus & potus, motus & quies, somnus & vigilia, exereta & retenta, atque animi pathemata seu perturbations. Contingentes verò ac fortuitæ, sunt veluti corporis prolapsus, impactus lapis, occursus belluæ, gladius adactus, punctura scorponis. Quæris exemplum causæ latentis? En, habes in calculo renum aut vesicæ, quem non nisi ex signorum syndrome habebis exploratum. Utrumque antecedit lotium, arenosum, sequitur urinæ suppressio, distinguit vesicæ calculum stillicidium urinæ cum dolore in regione pubis, & calculum renis dolores nephritici ac testis retractio; erit quoque conjectura calculi, damnosa parentum hæreditas.

Triplex symptomatum genus Galenus statuit,

symptoma morbi, symptoma causæ, & symptoma symptomatis. In vulnera sanguinis effusio & humorum extravasatio sunt morbi symptomata, quippe vulnus sequuntur proxime; dolor vulneri superveniens, est symptoma causæ, etenim causa vulnus infligens fibrillas nervas lædit & succedit; ex intenso dolore & extravasatione quæ inducuntur deliria, febres, convulsiones, sunt symptoma symptomatis. Nullus datur morbus quin proprio stipetur symptomate, sed non adest perpetuò symptoma symptomatis, nec symptoma causæ.

Specialius dividuntur symptomata in actionum læsiones, excrementorum vitia, & qualitates mutantas. Functiones animales abolentur in Apoplexiâ, in Catalepsi, in Epilepsi; siunt præter naturæ modum in doloribus, deliriis, in morbis convulsivis. Vitales, abolentur in syncope, & passione hystericâ; erroneæ sunt in palpitatione cordis, in tussi, singultu, febribusque. Abolentur naturales, in inappetentiâ, & cibi fastidio; depravantur in fame quæ dicitur caninâ, in picâ, malaciâ.

Peccant excreta modo quintuplici. Penè substantiam, vel cum toto sunt genere præter naturam, ut cum pus, verines, calculi excruntur; vel cum in naturali substantiâ excruntur quæ non debebant excerni, ut chylus aut alimenta non cocta in Lienteriâ & Cœliacâ passione. Quantitatis ergo, illiusque excedentis, ut in alvi profluyiis, in Diabete; deficien-

35

tis verò , ut in alvo strictâ , in mensium suppressione. Ratione qualitatis , ut cùm fæces egeruntur molliores , aut liquidiores ; cùm urina redditur crassa , rubicunda , nigra ; cùm salsior est aut fœtida perspiratio. In excernendi modo , ut cùm fiunt excretiones per vias non assuetas , idque videtur in vomitu simplici , in Cholerâ morbo , & passione Iliacâ ; & similiter excrenuntur interdum lochia per anum , rejiciuntur urina & catamenia per vomitum , per sputa , & abeundt in sudorem. In excretionis tempore , prout citius aut tardius erumpunt , ut in longiori aut breviori menstruorum periodo , in alvo strictiore aut laxiore.

Qualitates excretorum mutatas dicebant Antiqui , cùm hæ præter naturæ modum sensibus apparebant. Ergò qualitatum immutatarum species quinque. Prima refertur ad visum , ut color flavus totius corporis in Ictero , intensior linguæ rubedo in febre ardente , nigredo in malignâ. Ad auditum refertur altera , ut crepitus frequentiores , tinnitus aurium , stertor & sibilus in Asthmate , & in Colicâ flatulentâ murmura , flatus , borborygmi. Ad odoratum tertia , ut teter odor in Scorbuto , in Carcinomate , in ulceribus virulentis. Quarta gustûs est judicij , ut ructus acidi & nidorosi , sapor amarus. Quinta demum species tactui subjicitur , ut in Causo cutis & linguæ siccitas & asperitas , mollices aut durities in tumoribus , præternaturalis abdominis tensio.

Qualitates mutatae dicuntur symptomata prout à morbo pendent, suntque morbi cùm lèdunt actionem. Qui dicuntur morbi à Practicis, sunt plerumque apud Pathologicos vera symptomata; unusque inorbus est sàpè numero causa morbi alterius. Et causa est non rarò vel morbus, vel symptomata.

E R G O.

*Una eademque res preter naturam, est
Morbus, Causa morbi, & Symptoma.*

